

# UGOVOR

## O PRUŽANJU USLUGA IZNAJMLJIVANJA PROSTORA ZA REPETITORE NA DVIJE LOKACIJE I ODRŽAVANJE DIGITALNOG RADIO SISTEMA

Ugovorne strane:

**JU Zavod za hitnu medicinsku pomoć Kantona Sarajevo**, ul. Kolodvorska broj 14, 71000 Sarajevo, BiH kojeg zastupa mr.sci.dr. Adem Zalihić ( u daljem tekstu Korisnik usluga)

I

**MIBO Komunikacije d.o.o.**, ul. Tvornička 3, 71210 Sarajevo, BiH, kojeg zastupa director Marko Boštjančič ( u daljem tekstu Davalac usluga)

Ugovorne strane saglasno konstatiraju da se ovaj ugovor zaključuje na temelju odluke o dodjeli ugovora o nabavci Iznajmljivanje prostora za repetitore na dvije lokacije /2 komada/ i održavanje digatalog radio sistema, broj: 01-3264-3/20 od 19.08.2020.g., koja je donesena nakon provedenog postupka po pravilima otvorenog postupka za dostavljanje ponuda za javne nabavke usluga. Ponuda br.1231/20 od 14.08.2020.g. je sastavni dio ugovora.

### I PREDMET UGOVORA

#### Član 1.

Predmet ovog Ugovora je regulisanje međusobnih odnosa Ugovornih strana u vezi sa iznajmljivanjem prostorai tehničkim održavanjem repetitora Korisnika usluga na RR objektu Bosut i Orlić. Pored prostora u objektu, Davalac usluga obezbjeđuje i mjesto na antenskom stubu RR objekta za montažu antene.

Predmet ovog Ugovora je i pružanje usluga održavanja digitainog radio sistema govornih radio veza i prateće opreme, za potrebe Korisnika usluga, a što konkretno obuhvata:

- Radio stanice (39 mobilnih, 7 fiksnih, 16 ručnih) sa priborom,
- Dispečerska aplikacija Trbonet sa pripadajućom opremom (radne stanice, server, monitori, i slično)
- Registrofon Total Recall

(ova oprema dalje u Ugovoru „radio oprema“)

Fiksne radio stanice, dispečersku aplikaciju i registrofon će Davalac usluga servisirati na lokaciji na kojoj su montirane, dok mobilne i ručne radio stanice, Korisnik usluge donosi u servis MIBO Komunikacija d.o.o. - Sarajevo, u ulici Tvornička br. 3., 71210 Sarajevo, BiH.

## **II VRIJEME TRAJANJA UGOVORA I CIJENA**

### **Član 2**

Ovaj ugovor se zaključuje na 12 ( dvanaest ) mjeseci i stupa na snagu danom potpisivanja obiju strana.

### **Član 3.**

Ugovorne strane se slažu da će Korisnik usluga, za usluge iznajmljivanja prostora i održavanja digitalnog radio sistema, Davaocu usluga platiti iznos od 11.100,00 KM (jedanaest hiljadsto i 0/100) KM bez uračunatog PDV-a, u toku 1 godine, i to u 12 jednakih mjesečnih rata od 925,00 KM (devetstotinadvadesetpet i 0/100) KM bez uračunatog PDV-a. U cijenu nije uračunat porez na dodatu vrijednost (PDV), koji se obračunava zasebno, prema važećim zakonskim odredbama, ipada na teret Korisnika usluge.

## **III NAČIN I ROK PLAĆANJA**

### **Član 4.**

Plaćanje će se vršiti po osnovu ispostavljene mjesečne fakture, u roku od 30 dana od dana ispostavljanja fakture, na račun Davaoca usluga broj: 1401 0200 1133 0457, koji se vodi kod SBERBANK BH d.d. - Sarajevo. Rezervni dijelovi koji će se ugrađivati (ako je potrebno), će biti posebno obračunati po trenutno važećem cjenovniku MIBO Komunikacije d.o.o. - Sarajevo. Prije ugrađivanja dijelova u pokvareni uređaj, bit će konsultovan predstavnik JU Zavoda za hitnu medicinsku pomoć Kantona Sarajevo, kako bi u pismenoj formi potvrdio, uz dostavljanje zvanične narudžbe.

## **IV OBAVEZE UGOVARAČA**

### **Član 5.**

Davalac usluga se obavezuje da će vršiti redovno tehničko održavanje repetitora. Davalac usluga, pored obaveza redovnog održavanja repetitora jednom godišnje će izvršiti pregled, mjerenje i servisiranje radio opreme u vlasništvu Korisnika usluga u svom servisu u Sarajevu, a sve prema odredbama ovog Ugovora, pravilima i standardima iz oblasti radio komunikacija. Prilikom servisiranja radio uređaja, utrošene rezervne dijelove plaća Korisnik usluga prema važećem cjenovniku. Davalac usluga se obavezuje da će pristupiti otklanjanju kvara na repetitoru najkasnije u roku od 2 sata od momenta usmene prijave kvara radnim danima, odnosno najkasnije 4 sata za dane državnih praznika, subotom ili nedjeljom. Davalac usluga se obavezuje da će sve kvarove na repetitoru otkloniti odmah po izlasku na teren, osim ukoliko priroda kvara ne zahtijeva duži rok. U situaciji kada popravak kvara na repetitoru iziskuje duži vremenski period, Davalac usluga se obavezuje da će iznaći odgovarajuća alternativna rješenja, kako se ne bi, na bilo kojinačin, ugrozilo nesmetano vršenje djelatnosti Korisnika usluga. Troškovi ugradnje rezervnih dijelova i transportni troškovi padaju na teret Korisnika usluga.

#### **Član 6.**

Korisnik usluga prijavljuje kvar usmenim putem sa broja telefona: 033/611-111 od strane odgovornog lica, odnosno odgovornog ljekara smjene, na broj telefona odgovarajućeg lica kod Davaoca usluga gosp. Hasović Dževada na broj: 033/779-360, odnosno na brojeve mobitela: 062/530-177; 062/534-190, u dane državnih praznika, subotom ili nedjeljom, a koji moraju biti dostupni za pozive Korisnika usluga 24 sata na dan. Nakon što Korisnik usluga prijavu kvara izvrši usmeno, ostaje u obavezi isto prijaviti iu pismenoj formi radi evidencije putem faxes na broj: 033/627-531 ili na e-mail: service@mibo.ba.

#### **Član 7.**

Korisnik usluga se obavezuje:

- da Davaocu usluga uredno plati Ugovorene radove i usluge na način i u skladu sa članom 3. i 4. ovog Ugovora;
- da odredi jednu kontakt osobu za komunikaciju sa servisom;
- da za svu opremu pribavi neophodnu dokumentaciju u skladu sa važećim propisima i zakonima (kao npr. Dozvole od RAK-a, i slično);
- da po prestanku ili raskidu ovog Ugovora izmiri sve obaveze iz Člana 3. ovog Ugovora;

#### **Član 8.**

Davalac usluga se obavezuje:

- da pri održavanju radio opreme, koja je vlasništvo Primaoca usluga, poštuje važeće zakonske propise, da se pri istom vodi pravilima struke kao i/ili dobrim poslovnim običajima;
- da fakturu i zapisnik za održavanje radio opreme za tekući mjesec ispostavi na kraju svakog mjeseca.

### **V MAKSIMALNO VRIJEME POPRAVKE I GARANTNI PERIOD**

#### **Član 9.**

Max. vrijeme za popravke je do 60 radnih dana. Ako neispravnii uređaj nije moguće popraviti tokom ponuđenog vremena od 60 radnih dana, zamjenski uređaj ce biti isporučen vlasniku sistema u roku od 30 radnih dana. Svi troškovi transporta neispravne izamjenske opreme spadaju na teret Davaoca usluga. Garantni period na zamjenske dijelove iznosi 6 mjeseci.

#### **Član 10.**

Davalac usluga dužan je da se pridržava procedure za upravljanje procesom servisa za popravke, na način kako je propisano od strane proizvođača opreme.

### **VI POVJERLJIVOST I POSLOVNA TAJNA**

#### **Član 11.**

Ugovorne strane prihvataju da svi podaci, informacije i dokumentacija do koje imaju pristup, za vrijeme trajanja ovog ugovora, kao i nakon prestanka njegovog važenja, u skladu sa zakonom, predstavljaju poslovnu tajnu, te se obavezuju da sa povjerljivim informacijama koje se odnose na zadatak, ovaj Ugovor ili poslovanje Ugovornih strana, odgovorno postupaju i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge ugovorne strane. Smatramo da dodavanje ovog člana ni na koji način ne narušava bitne elemente Ugovora, a dodatno štiti ugovorne strane prilikom razmjene i postupanja sa povjerljivim informacijama.

## VII RJEŠAVANJE SPOROVA

### Član 12.

Ugovorne strane su saglasne da sva eventualno sporna pitanja rješavaju u duhu dobrih poslovnih običaja i uzansi, štiteći obostrane interese. U slučaju nemogućnosti zajedničkog rješavanja eventualno nastalog spora, ugovorne strane priznaju nadležnost Suda u Sarajevu.

## VIII ZAVRŠNE ODREDBE

### Član 13.

Ugovor se može prekinuti na zahtjevjedne od Ugovornih strana s tim da se zahtjev za prekid Ugovora podnosi pismenim putem najmanje 30 dana unaprijed.

### Član 14.

Ovaj Ugovor je sačinjen u četiri (4) istovjetna primjerka, od kojih svaki primjerak ima snagu originala, a svaka od Ugovornih strana zadržava po dva (2) primjerka za svoju arhivu.

DAVALAC USLUGA  
MIBO Komunikacije d.o.o. Sarajevo  
KS  
Direktor  
Marko Boštjančič, dipl. jur.



Datum: 08-09-2020

Protokol br: 02-091/20

KORISNIK USLUGA  
JU Zavod za hitnu medicinsku pomoć

Direktor  
mr. sci. dr. Adem Zalihić

Datum: 07.09.20

Protokol broj: 3309/20